

مکملہ ادبی و سیاسی رسالہ

❁ ادبی و سیاسی رسالہ اسبوعیہ در ❁

۳۱ نجی سنہ

۲ ربیع الآخر ۱۳۳۰

❁ پچشنبہ ❁

جزو عدد : ۱۳۸

انواع مختلفهٔ حرب

(مابعد عن جزؤ ۱۳۷)

بوافکار و تمایلاتك يانی باشند بر طاقم فکر لر دها پیدا اولدی، که آنلر صورت عمومیده تصویب ایدبله بیلیر . حقوق بین الملل موجب بر طاقم قواعد اساسیه تأسیس و قبول ایدلك ایسته نیلیور، که بوسایده حربك ایراث ایدله چکی تخریبات ممکن اولدینی قدر تحدید ایدلسون ؛ بوندن بشقه خسته و مجروحلرك بیطرف طولسی و عین زمانده خسته خانه لرك تکثیری ایله آنلرك دها اینی دقت و تدای آلتند بولندیر یله یلسی آرزو ایدیلور . (جنوره) مقاوله نامه سی تمایلات اخیره نك نتیجه سی اولوب ، اینی دوش و نلش اولان تکلیفاتك ردی جهت کیدلسنك نه قدر یا ککش اولدینی ۱۸۶۶ حربی اثبات ایلشدر ؛ چونکه مذکور حربدن اول اوستریا جنوره مقاوله نامه سی قبول اتماش اولدینی حالده اوستریا طبیلری مغلوب اولان عسکر ایلله برابر گیرو چکیلدیکندن یالکیز بروسیه طبیلری کثرت مشغولیه غلبه چالمغه کفایت ایدمه مامکده ایدی . مع مافیه حربده حقوق ملله مراعات اولنسی حقنده حمل معینه ترتیبی ماده سی مشکلات عظیمه یی داعی اولدی . بوکبی تعلیماتك حربده ممکن اولدینی قدر انسانیته خدمت ایتسی مقتضیدر ؛ فقط عین زمانده مقصد حربك استحصالی ایچون باش قوماندانجه اظهاری الزم اولان شدتی زیاده سیله تجدید ایلسی جائز دکدر . نه ۱۸۶۸ سنه سی پترسبورغ بیاناتی ونه ده ۱۸۷۴ سنه سی بروکسل قونفرانسنده بشقه بر طرفدن واقع بیاناتك مسوده سی ، ونه ده حقوق بین الملل انستیتوسنك مخرطه سی والحاصل نه ده بلانچیلی نك « زمانغر حقوق حربی » بواحوالی تقنین ایدمه یلشدی .

امثله متعدددهن برینی بوراده در میان ایدلم ؛ بروکسل قونفراسنده شو تکلیفده

بولندی : (استیلای حربی) واقع اولورسه اق حالده اهالی ، حاکمیت اجنبیهیه اطاعت ایتمکله مؤظف اولوب براغتاش و قوعنه عصیان نظریله باقق لازم گیر . فقط (استیلای حربی) نك واقع اولدینی نزمان فرض ایدیهلرک در ؟ بونك وقوع بولسی ایچون نه قدر قوتك موجود اولسی لازم گیر ؟ آلتی کشیدن عبارت برکشف قولنك برکوبی اشغال ایتدیکی زمانمی ، یوقسه ۵۰۰ کشیدنك اشغال ایتدیکی وقتمی ؟

مواد معینه ترتیب ایدیهلنك نه قدر مصادف مشکلات اولدینی بوبر مثالدن يك اینی آکلاشیلیر .

فقط بومشکلات بین الملل محکمه حاسمه تأسیس ایدلیدی و آنلرک اعطا ایدیهلرک حکم و قرارلرک اجرایی اقتضا ایدلیدی زمانده تحدت ایدیهلرک اولان موانع مطلقهیه نسبتاً هیچ مثابه سنده قاله جقدر . ۱۸۸۱ سنهسی (لاسکر) شه سز کندی مؤسسہ سنی قولای ظن ایدوردی . لکن یالگز تأسیسات ایله هیچ برشی یاییله مز . بوندن طولاییدرکه (مولشک) شویله جوابده بولمشدر : « مصالحه ایدیه بر رؤیادن عبارتدر ، همده اینی بر رؤیا دکل ؛ حرب جناب انتظام فرمای کسانك بر عنصردر . » - بوکا آتیده عودت ایدیهلرک .

آشکاردر که مدخل کتابده ۱) بیان اولندی اوزره ، ۱۸۷۱ سنه سندن بری اوروپانك ایچنده بولمقده اولدینی احوال ، مصالحه پرستشکارانك کندی نظریه لر ایله میدان آتیلرینه اسباب مضاعفه تشکیل ایتمکده در .

مجان صلح دیورلرکه : - مقصد اصلی حربك یالگز رفع و لغوی دکل ، بالعکس هرشیدن اول حال حاضرده امثال سز تجهیزات و تسلیحات آلتنده ایتمکده اولان اوروپایی بوندن تخلص ایلکده مطلوبدر . -

انکار اولنه ماز ، که تکلیفلری ایچون انتخاب اولتان بواساس آنلر ایچون يك مساعد ایدی ؛ چونکه احوال تسلیحاتی صورت عمومیهده يك کرکین و خطرناک عد ایتمک ضروری ایدی .

بوتکله برابر مواد آتیه لایقيله موازنه و بو احواله دائر واقع اولان یكون شکایاتدن طرح ایدمک لازم کلیر . عمومی مکلفیت عسکریه اصولی و بوتک اجرایی اسکیدن بری (لیه رال - سربستی) فرقهسی طرفندن و شمیدیکی حالده همان عموم فرقلر طرفندن درمیان ایدلمش بر تکلیف ایدی . (رادیقال) اولان جنوبی آلمانیا (اهالی) فرقهسی میللیس اصولی عسکر احداثیه مائل و سوسیال دموکراتلر دخی بوتکا طلبکار اولوب بالخاصه بوندن مقصدلری کندی انقلاب پلانلرینه حائل اولان اصول حاضرهٔ عسکریه مخالففتندن عبارتدر . حقیقی مصالحه محبانی بو خصوصده فکر لرینی صراحتاً بیسان ایتمکده اولوب ، آنلر میاننده بر جوخی هیچ اولمازسه شمعی میللیس اصولی عسکرلرکه کچمک مناسب اولمدینی فکر نده بولمخده درلر . آنلرک نظریه لری تعقیب ایدمک لازم کلیرسه هر نوع مشغلهٔ عسکریه نی تلعین ایتمک اقتضا ایدر . آنلر طرفندن نشر اولانسان بعض آثارده کجبلرک اردویه آلمانی هر نوع مساوینک منبئی دیه تلقی ایدلمکده در . اینجنده بر مطابقت صحیح حکمفرما اولمدینی ظاهر اولور .

اوروپاده میللیس اصولی عسکرلکی قبول ایتمک ایستیان هر بیوک حکومت اتحار نفسه باشلامش اولور و حکومتلر صره سندن موجودیتی چیز بلور ؛ بواققدر چوق اثبات ایدلمشدر . که تکرار تجربه هر حالده « من جرب المجری حلت به اندامه » قیلندن اولور . فقط عساکر احتیاطیه سی ایله دائمی اردویی طلب ایدن شی یالکنز فوائد عسکریه دکل ، بالعکس معنای حقیقیسی ایله انسانیتدر . میللیس عسکر ایله اجرا ایدیلان حربلر ، منتظم اردولر ایله اجرا ایدیلانلره نسبتاً دهها زیاده امتداد ایدر . شمالی آمریقادیه کی حرب داخلی بش سنه امتداد ایستدیکی حالده ۱۸۵۹ حربی سکیز هفته ، ۱۸۶۶ حربی درت هفته ، ۱۸۷۰ - ۷۱ حربی ایسه یدی آی امتداد ایلشدر . افراد عسکریه نك تعلیم و تربیه سی . صنعت عسکریه مدتی ، ایستر ایکی سنه ، ایستر اوج ، ایستر بش سنه اولسون ؛ دائمی بر اردونک وجودینه محتاجدر ، که ورود ایدمک قرعه افرادی آنلر میاننده ادخال اولنه یلسون . مع هذا قرعه افرادی نك عددی ، خدمت عسکریه نك عمومیتندن

ناشی تراید ایلش بولندیغندن، اق حالده طبیعیدرکه هر یرده اردوی دائمی قادرولرینی بیولتمک لازم کلیر. اردولر پک شایان اهمیت صورتمده تراید ایلملری اساساً خدمت عسکریه نك عمومی اولمی اصولنك نتیجه طبیعیه سیدر. نفوس عمومیه نصل تراید ایلرسه اردولرک دخی اق وجهله تراید ایلمی ضروریدر.

ایمدی جهانده صنایع و حرفت و تجارت کل یوم غایت وسیع و عظیم برصورتمده انکشافات و ترقیاته مظهر اولمقده در. بالطبع بو انکشافات و ترقیاتک اصول عسکرینه تأثیری اولیور. عسکرلک طرفندن واقع اولان تکلیفاتک صنایع و حرفت ترقیسی خصوصنه نه قدر تأثیر ایلدیکی بالاده بیسان اولنمش ایدی؛ لکن بودخی ارجاع تأثیر ایدرک واقع اولمقده در. بوندن طولایی باجلله عسکری اعمالخانهلر بیودلدی. اعمالات آلات و ادواتی ده زیاد بلوجوه، ده زیاد مرکب اولدی. فابریقه لر، تیمور یوللر، معدنچیلک نصل بیویوب تنوع ایلدی ایسه، تکمیل میخانیکی عسکریت دخی نسبت متشابه داخلنده اق وجهله جسامت پیدا ایلدی.

سلاح آلتده بولان اردو ایله مؤسسات عسکریه نك تراید طبیعیه دخی اق وجهله نظر حسابه آلتق لازم کلیر. فقط متباقی قالمقده اولان شایان اهمیت بر بار عظیم دخی هر حالده احوال سیاسییه عطف ایدلمک اقتضا ایدر.

۱۸۷۱ دن شمعی یه قدر نشر اولان خدمت عسکریه قانونلری دوش تحمله آلان ثقلنلری مدخلده بیسان ایلدی کمز وجهله تزبیده خادم اولدی لر. بو قانونلر مدت نظامیه عسکریه نك تنقیصنی اکثریا طلب ایلدی لر، که بو خصوص سلاح آلتنه جلب اولسه حق افراڈک ترایدینی و بالطبع بو دخی قادرولرک تکثرینی داعی اولق کبی اهالی یه محمول اولان ثقلتی تزبید ایلدی [۱]. بونکله برابر خدمت عسکریه مدتی تنقیص ایدلیوب، بالعکس فرانسه ده یکریمی بش سنه یه ابلاغ ایلدی. بوندن بشقه اسلحه اعمال آلتده متمادیا اصلاحات وقوعه کله رک مبالغ عظیمه یی انتاج ایتکده ایدی. بو وجهله هر یرده حکومتلرک قوه مالییه سی و کرکسه سلاح آلتنه [۱] فرانسلر خدمت نظامیه مدتی ۵ سنه دن ۳ سنه یه و ترتیب ثانیده برسنه یه تنزیل ایلدی.

آله جق قوه عسكریه سی اولدجه زیاده کر کینلشدی، که بوصول خصوصده بالخاصه - اوروپا احوالی نظر مطالعه یه آئندینی صورتده - آلمانیده ده ایلک چوق زمانلر شایان قبول اولان درجه سنه ارتقا ایتمیش ۱۱ ایدی - روسیه ده ۱۸۶۰ سنه سی تشکیلات جدیدی سایه سنده خدمت عسکریه مدتی ۱۹ سنه دن ۱۲ سنه یه تنزیل ایدلیدی . ۱۸۸۷ سنه سی احوال سیاسییه آلمانیده مستحفظلق داخل اولمق اوزره ۲۴ سنه یه ابلاغ ایتمک بزی مجبور ایدیدی .

بوقدر آجی بر صورتده شکایت ایدیلان بار مصائبک منبعی نروده در ؟ و بحبان صلح شمعی حربک انسانیتیه مغایر و شایان نفرت اولدینی حقنده نه یی کندی نظریه لرینه ایکنجی دلیل اوله رق ارايه ایلیمک ؟

وقت حضرده کی بوحالت حربیه نیک منشائی بحق یالکیز فرانسه ده بولمقده دره - اکر فرانسه کندیسی روسیه نیک خدمتکاری مرتبه سنه تنزیل ایتمه و عنعنات سابقه سی فراموش ایلیمک کافه افعال حسنه ایچون حاضر بولمیش اولسه ، روسیه دخی شرق بلانلرخی نصف اوروپایه مخالف اوله رق سلاح قوتی ایلیم اجرایی خاطرینه بیله کتیرمز .

خصوصت ملیده ویا فرقه منافرتنده زمان حاضرک مساویسی روسیه - آلمانیا ، سابق رئیس اعظمک پولتیقه سنه عطف ایتمک ایسته یانلر رأس حربیه یی بسبتون عکسنه چویربورلر . آلمانیا دخی بیوک بر دولت ، کندی باشنه برملت اولمق ایچون فرانسه ، انکلتزه ، روسیه کبی ، عین حقه مالکدر . بوگا باشلانمقده فرانسه طرفدن توقیف و حربیه اجبار ایدلیدی ؛ فرانسه یی زمین مغلوبته سره رک آلمانیده افکار عمومیه - وقتیلیم هنوز پک کوچوک اولان سوسیال دمه و قرات فرقه سنک یالکیز بر قاچ رئیس مستثنا اولمق اوزره - قسم اعظمی اهانت و نا کهنی بر باصغین ایلیم المزدن آلمش اولان ممالکک استردادینی طلب ایتمکده ایدی . - آلمان ملتک رأی وفکری اویم بر درجه یه کلش ایدی، که الحاقدن فارغ اولمق غیر قابل ایدی .

ملل سائر مدن اولان بعض صافدل اشخاص وقتيله بگا دیورلردی که :
 « استرازبورغ - اعلا ! فقط میج ، بوجوق ایدی . » - اکر بز [میچی] آلمایوبده
 یالگنز الساسی آلمش اولسه ایدک ، حولک شمعی بشقه درلومی اوله جغه اعتقاد
 ایدیورلر ؟ هیچ برکیسه اطمینان نام وجدان ایله بوگا اوت جوانی اعطا ایدمیز .
 فقط فرانسه بو حکمی حرب ایله طایمق ایسته مدی ، (فرانقفورت) معااهده -
 نامه سی ایسه بوملت ایچون یالگنز برمتارکدن عبارتدر .

فرانسه نیک آلمانلر طرفندن تخلیه سنی متعاقب باشلانیلان تجهیزاتک نصل
 برفکره مستند اولدینی ۱۸۷۴ قانونی ایله کوستریلبوردی ؛ زیرا فرانسه چیقاره -
 بیله جکی اردونک آلمان اردوسنه نسبة یک زیاده اولسنی اقتضا ایتمکده ایدی .
 بو آندن اعتباراً اجرا ایدیبلان تجهیزاتک یک زیاده جسامت پیدا ایلسنی انتاج ایدن
 مسابقات باشلادی و شمعی به قدر اخذ ایتمیکی نتیجه ایسه تعلیم و تربیه گورمش
 افراد نقطه نظرندن فرانسه نیک بزه فائق اولدینی آکلاشیلدی .

۱۸۷۵ سنه سی وقایع خفیه سنه دار طوضری اوله رق برشی یلدیلمیز کبی
 فرانسه نیک بزه توجیه ایدم جکی حمله به تقدم ایتمک و آتی غیر مضر قیلق خصوصی ،
 علی العاده فرانسزلر طرفندن ادعا ایدلمیکی وجهله ، صورت جدیدده ملاحظه
 و موازنه ایلمش اولدیلمیزی دخی یلیورز .

مع هذا امپراطور برنجی (ویلهلم) و برنس (بسمارق) طبق ۱۸۶۷ ده
 (لوقسنبورغ) مسئله سی کبی ضرورت قطعیه اولمدیجه حرب ایتماکه قرار
 ویرمشلردر .

بوتقطه نظرندن مطالعات سائر بو کتابک حوزه موضوعنه داخل اوله ماز .
 اوق زماندن بری موقع علانیه چیقان حقایق سیاسییه معلومدر . آلمانیانک اکر بر
 بشقه زمان ظرفنده استفاده به شتاب ایتمک اوزره ۱۸۷۵ سنه سی خصمک ضعیف
 عسکر یسندن فرصتیاب اولمقدن اجتناب ایلدیکی فکرند بولنیلور و اوروپاده لایعد
 اشخاص و با خصوص برستشکاران صلح دخی بو فکر ده متحد بولنورلر سه
 اوق حالده بومصالحه نیک مصرفنه قاتلاقمقدن بشقه چاره قالماز .

بو احوال دن اجتناب ایدہ یلک ایچون یالکیز بر چارہ وارد درک اودہ تکمیل اور وپانک رفع آواز ایلہ فرانسیہ بر سکونت قطعیه توصیه سندن عبارتدر . فقط دولتر بوندن پک اوزاق بولنیورلر . بالعکس فرانسه روسیہ و اسلاو اقوامک بر قسمندہ دوستلر بولمقدہ درک آنلر ہرنہ قدر (یانوس) معبدینک کشادینی بالخاصہ کنڈیلرینہ حصر ایتمکدہ ایسہ لودہ دیگر طرفدن فرانسیہ یی تشجیعدن خالی قلام مقدمہ درلر .

برلین قونفرہ سندن صکرہ روسیہ ، ہیچ بر سبب حقیقی اولقسزین - چونکہ بسمازق حقیقہ بر فاعل ناموسکار ایدی - آلمانسیہ قارشی پیدا اولان وکتدجہ شدت کسب ایلان فکر خصوصت نتیجہ سی آنی اتفاق مثلثہ سوق ایلدی . اتفاق مثلث اکثریا اتفاق صلح ایلدہ یاد ایدلمکدہ در . فقط بو اتفاق مثلث ایچون اتفاق مقدس حقندہ وجودی لابد عد ایدیلان اق استنادکام اساسی نقصان بولنیور . اتفاق مثلث صنعت حکومتک بر اثر عملیسیدرک دول مثلثہ نک موقعی ہر نوع هجومہ قارشی تأمین ، واستحصا ایدلمش بولنانی محافظہ ایلک مقصدیلہ تأسیس ایدلمشدر . یالکیز اق اتفاق سایہ سندنہ درک مصالحہ بوقدر اوزون مدت محافظہ ایدیلہ بیلدی . وایجابی حالندہ واسطہ اخیرہ نک Ultimatio تمامی تمامہ تطبیق ایدیلہ جکنہ کندی مدیرلرینک واقف بولنملری دخی خیلی یاردم ایلدی . تجہیزاتک تراید متنادیسنی آرتق اق ، توقیفہ مقتدر اولہ مدی .
(مابعدی وار)

محمد رشدی

